

雅州府志
二

雅州府志卷之二

星野

周禮保章氏以星土辨九州之地所封之域各有分野傳雅云在天一度統地二千九百三十二星蓋成象謂乾效法謂坤古者設諸方皆仰以觀於天文俯以察於地理也梁州之域惟參是司雅雖僻壤其地與星辰四游而升降者亦無不可以占步而求端於天人之際矣志星野

雅州府

禹貢梁州以南之盡境上分井鬼之次人參一度

總志

二十八舍主十二州益州爲參分

史記天官志

巴蜀分井鬼參又云觜觿參主益州

漢書

自東井十六度至柳八度爲鶉首又參七度益州

入晉書天官志

劍南道分井鬼

唐書

益梓利夔四路分井鬼又曰東井輿鬼鶉首也盡

巴蜀中之地

宋史

岷山之下爲井貉帝以會昌卿以建福言蜀之分

野也午山張庭日井貉卽鴉首

河圖括地象

帝居房心決事參代是爲蜀分

華陽圖志

太白王畢觜鎮星王井五車卿星弧矢星俱王益

州

天文占候

井十度至鬼柳爲鶉首

天文次舍

按天文觜觿參之分八參一度李白詩捫參歷

井於十二次會屬實沈於紫微填人北斗璣星

於天市垣屬西第三星於卦屬坤於辰屬申又

按竹志井鬼屬南方參屬西方所謂西南之隅
坤維之地又井八星二十四度主泉水亦主諸
侯帝戚三公之位鬼四星二度主鬼神祀事參
十星十度主忠良孝誼雅屬雖岷疆正坤維之
環端豈無分星野之靈而苞符其間者與

名山縣

井鬼之分入參一度

蘆山縣

井鬼之分入參一度

天全州

井鬼之分入參一度

清溪縣

井鬼之分入參一度

打箭爐

井鬼之分入參一度

雅州府志卷之二

建置沿革

郡邑之建置以地沿革以時雅自古屬蜀國介處
羌夷秦始置縣至隋始設雅州及名山榮經蘆山
縣雖前後因革不一至

皇清雍正七年陞州爲府又改天全司爲天全州黎大
所爲清溪縣並隸府轄蓋我

朝德威覃被式廓日增異俗殊方咸歸版籍而經制
大備疆理攸宜實超軼於前代矣志建置沿革

雅州府

古爲蜀國

夏屬梁州之域

商并梁於雍爲氏羌地

周以梁合雍其地爲蜀國

秦徙楚莊王之後以實之立嚴道縣屬蜀郡

漢增置青衣縣天漢四年分置蜀郡西部武帝元

鼎六年屬益州

東漢光武建武十二年改青衣縣屬犍為郡

蜀漢章武元年立爲漢嘉郡

晉因之李雄時廢郡

宋屬晉原郡

齊因之又舊志宋齊梁無縣惟推土豪一人爲堡

主仍羈縻於益州

西魏廢帝二年招集民夷始置始陽縣兼置蒙山

郡

唐武德元年復爲雅州領縣十六開元二年置都

督府天寶初改蘆山郡乾元復爲雅州屬劍南

道

後唐莊宗癸巳孟知祥置永平軍節度使

宋仍爲雅州屬成都路

元至元中改屬嘉定路後改州爲碉門黎雅魚通

長河西寧遠等處安撫司尋改吐番宣慰司

明洪武四年改爲直隸雅州省州治嚴道縣入州

屬上南道

皇清因之雍正七年陞州爲府領州一縣五

雅安縣

皇清雍正七年改州爲府因設嘉陵縣爲附郭故無沿革

卓

名山縣

秦地屬蜀郡

漢爲嚴道青衣二縣地武帝元鼎六年屬益州

東漢光武建武十三年置漢嘉郡縣爲漢嘉縣

晉仍爲漢嘉縣

魏置蒙山縣屬蒙山郡

隋開皇三年始改爲名山縣屬雅州煬帝大業四

年屬臨邛郡

蒙山古亦稱名山故以名縣

唐屬雅州

五代屬永平軍

宋屬雅州

元屬嘉定路

明洪武四年省嚴道入雅州十年又有名山入雅州後復置編戶三里

本朝因之

榮經縣

夏商爲巴賁地漢又爲氏羌地

周以梁并入雍爲雍地

秦爲嚴道縣地屬蜀郡

漢因之武帝元鼎六年置益州縣屬之

按外紀天漢四年置

兩都尉居牛旄城卽今縣地

東漢建武十二年屬漢嘉郡

晉因之永嘉後荒廢

魏屬蒙山郡

隋屬雅州大業四年改屬臨邛郡

唐武德二年析嚴道縣置榮經縣屬雅州乾符初

以縣置金湯軍後廢

縣有榮經二水故名

宋乾德二年復爲縣隸雅州

元至元三年省入嚴道縣置巡檢改屬嘉定路後
改屬雅州爲碉門黎雅魚通長河西寧遠等處
安撫司旋改吐番宣慰司縣地屬之

明洪武十三年復置縣編戶二里正統中紫眼四
姓番民歸化隸雅州

本朝因之

蘆山縣

秦嚴道縣地屬蜀郡

漢改青衣縣

東漢屬漢嘉郡

晉因之

西魏生聚日繁爲始陽縣屬蒙山郡

隋仁壽三年始置蘆山縣屬雅州大業初改屬臨

邛郡

縣有蘆山故名

唐復雅州尋改蘆山郡乾元初改大渡縣復屬雅

州五代屬永平軍

宋仍屬雅州

元至元中省入嚴道縣改屬嘉定路

明洪武初復爲蘆山縣編戶三里屬雅州

本朝因之

天全州

古西夷徙都地

禹貢梁州之南境古蠻獠地

商爲氏羌地

漢置徙縣屬蜀郡至東漢屬蜀國都尉